



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nicolai Revsneri Ivrisconsvlti Hilaria, siue Evphronae
Pantheae**

Reusner, Nikolaus

Lavingae, 1581

VD16 R 1422

XXVI. Ad Abrahamum Mannam S. Th. Antist.

urn:nbn:de:hbz:466:1-12386

*Casta Iouis mensam verrit verbenæ: domusque
Lustrat: & innumeris fit medicina malis.
Sic te verbenæ sertum decet: accipe quæso,
Si liber: & morbos Diua repelle procul.
Diua faue: nec quæ sibi morbus sæpe fit ipsa:
Sit duplex morbus, longa senectæ mihi.
Morte mori melius, quàm mortis ducere vitam:
Et membris animum sic sepelire suis.*

XXIV.

E Græco.

*Lata iuuenta vale simul, & tu mæsta senectæ:
Cur? ruit hæc subitò: sed fugit illa citò.*

XXV.

Ad Paulum Melissum

EQ. & Com. Pal.

*Merx ætas mala: nam secum mala plurima portat.
Cur tamen emptores merx habet illa suos?
Quisque senex optat fieri: moriturque libenter
Nemo: sit ut lux hæc cara cuique Dei.
Esto, PAVLE. diu sed viuitur, ut benè forsan
Viuitur: & mors est sic quoque flenda minùs.
Qui se victurum semper putat, is malè viuit:
Nam vita fruitur tardiùs ipse sua.*

XXVI.

Ad Abrahamum Mannam

S. Th. Antist.

E. Menan-

E Menandro.

Qui nundinas vitam dixit, dixit bene.
Mercatus hic est, & mercatorum frequens
Conuentus: aleatores, fures, plani
Sunt hic item. quid tum? si primus hinc abis.
Melius bono diuertis cum viatico:
Insensus haud cuiquam forsan mortalium.
Sin immoraris longius: fessus peris
Tandem: malisque consensescens, indiges
Modò hac, modò illa re miser. quid? quod malis,
Curisque tot vexatus, ac laboribus,
Hostes suos quisque inuenit: quorum dolos
Sæpe experitur, atque iniurias graues.
Quòd si iam in hoc ventum sit, MANNA, ^{secu-}
Inauspicata morte tunc defungitur. (lum.
O nundinas malas! ô vitam ludicram!

XXVII

E. Græco Lucilij.

Quid mortem gemis? aut quid fles jam morte per-
(emptor?
Fle potiùs, mortis quos necat vsque metus.

XXIIX.

Georgio Mylio S. Th. D.

Qui iuuenis moritur, lucratur plurima. namque
Plurima sic ludit fata maligna, MYLI.